

¹Байтенова Н.Ж., ²Камалова Ф., ³А. Алимханова

¹ Философия ғылымдарының докторы, профессор

² әл-Фараби атындағы Қазақ ұлттық университетінің 3 курс докторанты, Қазақстан, Алматы қ.

³ әл-Фараби атындағы Қазақ ұлттық университетінің 1 курс магистранты, Қазақстан, Алматы қ.

ДІНТАНУДЫҢ ҚАЗІРГІ ЖАҒДАЙЫ МЕН ОНЫҢ ДАМУ ПЕРСПЕКТИВАЛАРЫ

2019 жылдың 16 қарашада Алматы қаласы, әл-Фараби атындағы Қазақ ұлттық университеті, әл-Фараби Ғылыми кітапханасында Философия және саясаттану факультеті, дінтану және мәдениеттану кафедрасы, Дінтанулық зерттеу және сараптама орталығының ұйымдастыруымен «Дінтану» мамандығының 20 жылдығына арналған «Дінтанудың қазіргі жағдайы мен оның даму перспективалары» атты халықаралық ғылыми-тәжірибелік конференциясы өткізілді. Конференция жұмысы барысында заманауи жаһандық сын-қатерлер мәнмәтінінде дінтанулық ғылым мен білім берудің әдіснамалық және практикалық мәселелері талқыланды. Пленарлық мәжілістің модераторы болып әл-Фараби атындағы Қазақ ұлттық университетінің Философия және саясаттану факультетінің деканы, философия ғылымдарының докторы, профессор Масалимова Әлия Рымғазықызы басқарды.

Конференция жұмысына дінтанушы ғалымдар, эксперттер, үкіметтік емес ұйымдар өкілдері, қоғам қайраткерлері, мемлекеттік қызметкерлер, сонымен қатар елшілік өкілдері қатысты. Джаманбалаева Шолпан Ерболқызы – әл-Фараби атындағы Қазақ ұлттық университетінің әлеуметтік даму жөніндегі проректоры, әлеуметтану ғылымдарының докторы, профессор, Назиров Баходур Тошматович – Қазақстан Республикасындағы Тәжікстан Республикасының бас консулы, Есдаулетов Рахмет Разбекұлы – Алматы облысы Дін істері басқармасының басшысы, Есенбеков Айдар Рахымжанұлы – Алматы қаласының қоғамдық даму басқармасы басшысының орынбасары, Үсенова Мадина Мағазқызы – философия ғылымдарының докторы, дінтанушы ғалым, Нұрмұратов Серік Есентайұлы – философия ғылымдарының докторы, профессор, ҚР БҒМ ҒК философия, саясаттану және дінтану Институты директорының орынбасары, Мадияров Мирхат Мұратұлы – «Шаңырақ» діни кеңес беру, алдын алу және оңалту орталығының директоры құттықтау сөздерінде қазіргі жағдайда дінтану

мамандығын даярлаудың өзектілігіне баса назар аударылды. Шетелдік профессорлардың онлайн құттықтаулары мен құттықтау хаттары оқылды.

Конференция жұмысының барысында дінтанулық мамандарды даярлаудағы 20 жылдық тәжірибе мен жетістіктер және болашақ даму барысы туралы пленарлық баяндамалар жасалды: Құрманалиева Айнұр Дүрбеленқызы – Дінтану және мәдениеттану кафедрасының меңгерушісі, Дінтанулық зерттеулер және эксперименталар орталығының директоры философия ғылымдарының докторы, профессор «Дінтанулық білімнің 20 жылдық тәжірибесі», Сабри Хизметли – Алматы қаласының шет тілдер және іскерлік карьера университетінің ректоры, доктор, профессор ҚР ҰҒА Академигі «Қазақстанда ислам дінін үйрету тәсілдері», Құрманбаев Қайрат – «Нұр – Мұбарак» Египет Ислам мәдениеті университетінің проректоры, Исламтану ғылымдарының (PhD) доценті, «Қазіргі Қазақстандағы дінтану: бүгінгі мен болашағы», Байтенова Нағима Жаулыбайқызы – әл-Фараби атындағы Қазақ ұлттық университетінің дінтану және мәдениеттану кафедрасының профессоры, философия ғылымдарының докторы «Қазақстанда дінтану мамандығын даярлаудағы кейбір мәселелер», Бишманов Кәкімжан Мұратжанұлы – Алматы қаласы Діни бірлестіктер басшылар клубының жетекшісі, «Қазақстан Республикасындағы терроризм және экстремизм» мәселелерін зерттеу орталығы қоғамдық қорының жетекшісі, заң ғылымдарының кандидаты «Исламофобия - конфессияаралық келісім мен діни төзімділікті тұрақсыздандырушы фактор ретінде», Шакимова Лола Сергеевна – Қазақстан Республикасы психологтары мен психотерапевттері қауымдастығының мүшесі, Қазақстан Республикасы Ақпарат және қоғамдық даму министрлігінің ақпараттық-насихат тобының сарапшы-психологы «Деструктивті діни ұйымдардың аддитивті тұлғалық мінез-құлықтың қалыптасуына әсері», Иржанов Руслан Самарханұлы - ҚР МІХА Дін істері комитетінің республикалық ақпараттық-

түсіндіру тобының сарапшысы, «Білім» оқу-мәдени орталығының директоры «Діни негізделген экстремизмге ақпараттық қарсы тұру».

Мектепмұғалімдеріне арналған «Зайырлылық және дінтану негіздері» пәнінің заманауи Қазақстан қоғамындағы дін мәселелерінің алдын алуға рөлі» эссе-байқауының жеңімпаздары, «Дінтану» мамандығы бойынша студенттердің ғылыми-зерттеу жобаларының республикалық байқауының үздік жұмыстары, «Үздік студент» сайысының номинанттары марапатталды.

Конференция жұмысы секцияларда өз жалғасын тауып, проф. Байтенова Н.Ж. модераторлығымен төмендегідей негізгі бағыттарды қамтыды: Орта және жоғары білім беру жүйесінде дінтануды оқытудың өзекті мәселелері; Заманауи жағдайда дінтану мамандарын даярлаудағы құзыреттілік тәсіл; Дінтану тәуелсіз Қазақстандағы ғылымның жаңа саласы ретінде: зерттеудің пәнаралық байланысы; Дін сала-

сындағы мемлекеттік саясатты жүзеге асырудағы дінтанудың тиімділігі және даму перспективалары. Секция жұмысының барысында қонақтар мен ұстаздардың, PhD докторанттары мен магистранттардың дінтанудың өзекті мәселелеріне арналған бачндамалар тыңдалып талқыға салынды.

Конференция барысында келесі көрмелер орын алады:

Шетелдік оқытушылар және эксперттердің бейне құттықтаулары

Тәжікстан елшілігінің «Тәжікстандағы «Ислам қайта өрлеу партиясы» террористік ұйымының қылмыстары» экспозициясы

Алматы қаласының «Діни бірлестіктер басшылары клубының» көрме қатары

«Рух Орда» мұражайы

Кітап көрмесі

Діндер тарихы мұражайы

«Күнделікті өмірдегі дін» көрмесі